



Klub poslanika Naša stranka- Nezavisni blok

Broj:
Sarajevo, 11.05.2020. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r g. Nebojša Radmanović, predsjedavajući

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINA
SARAJEVO

PRIMLJENO: 11-05-2020			
Organizaciona jedinica	Klasifikaciona oznaka	Redni broj	Broj priloga
01-	02-1-	752	20

Predmet: Prijedlog zakona o dopunama Zakona o akcizama u Bosni i Hercegovini

Na osnovu člana 105. Poslovnika Predstavničkog doma, a u vezi Mišljenja Zakonodavnopravnog sektora Parlamentarne skupštine BiH br. 01-02-1-752/20 od 9.4.2020., dostavljamo tražene ispravke u Prijedlogu zakona o o dopunama Zakona o akcizama u Bosni i Hercegovini.

S poštovanjem,

Poslanici Kluba poslanika Naša stranka-Nezavisni blok

Predrag Kojović *Predrag Kojović*

Aida Baručija *Aida Baručija*

Mirjana Marinkovi-Lepić *M. Lepić*

D. Baručija

Prijedlog

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine na __. sjednici Predstavničkog doma, održanoj __. __. 2020. godine, i na __. sjednici Doma naroda, održanoj __. __. 2020. godine, usvojila je

Zakon o dopuni Zakona o akcizama u Bosni i Hercegovini

Član 1.

U Zakonu o akcizama u Bosni i Hercegovini („Službeni glasnik BiH“, br. 49/09, 49/14, 60/14 i 91/17) u članu 19. (Iznosi akcize za alkohol i alkoholna pića i voćnu prirodnu rakiju), nakon prvog stava dodaje se novi stav (2) koji glasi:

„(2) Izuzeće se odnosi na tarifne brojeve 2207 (Nedenaturisani etilni alkohol sa volumenskim sadržajem alkohola 80% vol i većim; etilni alkohol i ostali alkoholi, denaturisani, bilo koje jačine), 2207 10 00 00 (Nedenaturisani etilni alkohol sa volumenskim sadržajem alkohola 80% vol i većin) i 2207 20 00 00 (Etilni alkohol i ostali alkoholi, denaturisani, bilo koje jačine), za koje se ne naplaćuje akciza u 2020. godini.“

Ispred postojećeg prvog stava dodaje se brojčana oznaka (1).

Član 2.

Ovaj zakon stupa na snagu osmog dana od dana objavljivanja u „Službenom glasniku BiH“.

ČLAN ZAKONA KOJI SE DOPUNJAVA

Član 19.

(Iznosi akcize za alkohol i alkoholna pića i voćnu prirodnu rakiju)

Za alkohol, alkoholna pića i voćnu prirodnu rakiju akciza se plaća po litru apsolutnog alkohola, i to:

- a) alkohol 15,00 KM;
- b) alkoholna pića 15,00 KM;
- c) voćna prirodna rakija 8,00 KM.

NESLUŽBENA VERZIJA PREČIŠĆENOG TEKSTA ZAKONA SA UGRADENOM ODREDBOM KOJA SE DOPUNJAVA

Član 19.

(Iznosi akcize za alkohol i alkoholna pića i voćnu prirodnu rakiju)

(1) Za alkohol, alkoholna pića i voćnu prirodnu rakiju akciza se plaća po litru apsolutnog alkohola, i to:

- a) alkohol 15,00 KM;
- b) alkoholna pića 15,00 KM;
- c) voćna prirodna rakija 8,00 KM.

(2) Izuzeće se odnosi na tarifne brojeve 2207 (Nedenaturisani etilni alkohol sa volumenskim sadržajem alkohola 80% vol i većim; etilni alkohol i ostali alkoholi, denaturisani, bilo koje jačine), 2207 10 00 00 (Nedenaturisani etilni alkohol sa volumenskim sadržajem alkohola 80% vol i većin) i 2207 20 00 00 (Etilni alkohol i ostali alkoholi, denaturisani, bilo koje jačine), za koje se ne naplaćuje akciza u 2020. godini.

OBRAZLOŽENJE

I. USTAVNI OSNOV

Ustavni osnov za donošenje ovog zakona sadržan je u članu III. 1. b) i c) i članu IV. 4.a) Ustava Bosne i Hercegovine.

II. RAZLOZI ZA DONOŠENJE ZAKONA

Obzirom na razmjere koje ostavlja pandemija koronavirusa, kako na cijeli svijet, tako i na BiH, došlo je do nestašice dezinfekcionih sredstava na tržištu. Dio naših proizvođača, koji proizvode ta sredstva, koriste biocide i druge sirovine za proizvodnju. Ipak, EU je zabranila prodaju takvih sredstava, što je otežalo poslovanje naših preduzeća, a pogotovo ostavila građane bez mogućnosti da nabave dezinfekciona sredstva.

Naši proizvođači ovih sredstava, u potpunosti su ovisni o ino tržištu. Obzirom da je trenutno na EU tržištu jedino moguća kupovina alkohola, te nešto i na domaćem tržištu, ovim dopunama zakona, želimo olakšati našim privrednim subjektima i građanima u ovom teškom i izazovnom periodu za našu državu, tako što se ne bi se u 2020. godini naplaćivala akciza na alkohol po tarifnim brojevima 2207 (Nedenaturisani etilni alkohol sa volumenskim sadržajem alkohola 80% vol i većim; etilni alkohol i ostali alkoholi, denaturisani, bilo koje jačine), 2207 10 00 00 (Nedenaturisani etilni alkohol sa volumenskim sadržajem alkohola 80% vol i većin) i 2207 20 00 00 (Etilni alkohol i ostali alkoholi, denaturisani, bilo koje jačine).

III. PRINCIPI NA KOJIMA JE PRIJEDLOG ZAKONA ZASNOVAN

Predloženi Zakon o izmjenama i dopunama Zakona o akcizama u Bosni i Hercegovini, temelji se na sljedećim načelima:

1. Regresivnosti, jer se neće stvarati razlika u bogatstvu među građanima
2. Fiskalne održivosti i stabilnosti, kroz stabilno i redovno punjenje Budžeta
3. Srazmjernosti
4. Neutralnosti, jer se ne pravi se razlika poreznog opterećenja uvezene robe i iste robe u domaćoj proizvodnji

IV. FINANSIJSKA SREDSTVA

Dodatna sredstva za provođenje ovog zakona nisu neophodna. Dopune zakona su neophodne kako bi se pomoglo privrednim subjektima koji vrše proizvodnju dezinfekcionih sredstava na bazi alkohola.